



Broj: 02-16-3-38-17/26

Tuzla, 26.05.2026. god.

Na osnovu člana 61. Zakona o upravi („Službeni glasnik BiH“, broj: 32/02, 102/09 i 72/17), člana 64. stav (1) tačka b), člana 70. stavovi (1), (3) i (6) i člana 89. Zakona o javnim nabavkama („Službeni glasnik BiH“ broj: 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavku („Službeni glasnik BiH“ broj: 103/14 i 49/23), člana 18. Pravilnika o javnim nabavkama u Agenciji za antidoping kontrolu Bosne i Hercegovine broj: 01-02-3-467/25 od 08.09.2025. godine, na Preporuku Komisije za javne nabavke broj: 02-16-3-38-14/26 od 26.05.2026. godine, u postupku javne nabavke materijala za doping kontrolu, direktor Agencije za antidoping kontrolu Bosne i Hercegovine **donosi:**

O D L U K U

o izboru najpovoljnijeg ponuđača za nabavku materijala za vršenje doping kontrole

Član 1.

Prihvata se Preporuka Komisije za javne nabavke u predmetu „Konkurentski zahtjev za dostavu ponuda za nabavku materijala za vršenje doping kontrole“ broj: 02-16-3-38-14/26 od 26.05.2026. godine i ugovor za nabavku materijala za vršenje doping kontrole dodjeljuje se ponuđaču MEDICAL EXPORT-IMPORT d.o.o. sa sjedištem na adresi Maršala Tita 237, 88 000 Mostar, ponuda broj: 307/26 od 18.05.2026. godine primljena dana 19.05.2026. godine, za ponudenu cijenu od 24.934,50 KM bez PDV-a odnosno 29.173,37 KM sa PDV-om, kao najbolje ocijenjenom ponuđaču odnosno kao najbolje ocijenjena ponuda.

Član 2.

Ponuđač MEDICAL EXPORT-IMPORT d.o.o. Mostar dostavio je najbolje ocijenjenu ponudu broj: 307/26 od 18.05.2026. godine, odnosno ponudio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine (u daljem tekstu: Zakon), u iznosu od 24.934,50 KM bez PDV-a odnosno 29.173,37 KM sa PDV-om, koja ispunjava sve formalno pravne uslove tražene u tenderskoj dokumentaciji i koja je od strane ugovornog organa prihvaćena kao najpovoljnija ponuda.

Član 3.

Po pravosnažnosti ove odluke, ugovorni organ pozvat će izabranog ponuđača, iz člana 14 ove Odluke, radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 4.

Ova Odluka objaviće se na internet stranici Agencije za antidoping kontrolu Bosne i Hercegovine (www.ada.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona.

Član 5.

Za izvršenje ove Odluke zadužuje se Područje rada za administraciju, međunarodnu saradnju i odnose sa javnošću.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona.

Obrazloženje

Postupak javne nabavke pokrenut je Odlukom o pokretanju postupka nabavke materijala za vršenje doping kontrole broj: 02-16-3-38-2/26 od 05.05.2026. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke iznosila je 25.641,03 KM bez PDV-a odnosno 30.000,00 KM sa PDV-om. Planirano je provođenje e-aukcije.

Komisija za javnu nabavku imenovana je Rješenjem broj: 02-16-3-2/26 od 15.01.2026. godine.

Obavještenje o nabavci broj: 372-7-1-53-3-9/26 objavljeno je na Portalu javnih nabavki 08.05.2026. godine kao i tenderska dokumentacija a sažetak obavještenja objavljen je u Službenom glasniku BiH broj 34/26 od 15.05.2026. godine.

Tendersku dokumentaciju sa portala javnih nabavki preuzeli su sljedeći ponuđači:

1. EKAPIJA DOO
2. SHIMADZU D.O.O.
3. MEDICAL EXPORT-IMPORT D.O.O.
4. AB MEDIC D.O.O.
5. TENDERI DOO
6. EUROKAPIJA D.O.O. ILIDŽA
7. BBS EUROPE
8. E N A D.O.O. SARAJEVO
9. MSG
10. TKAONICA ČILIMA D.D.



Rok za dostavu ponuda bio je do 25.05.2026. godine do 10:00 h a otvaranje ponuda je obavljeno isti dan u 10:30 h.

Na otvaranju ponuda nije bilo predstavnika ponuđača. Dostavljanje Zapisnika o otvaranju ponuda broj: 02-16-3-38-12/26 od 25.05.2026. godine izvršeno je prema svim učesnicima postupka nabavke u zakonskom roku [25.05.2026. godine] i to putem e-maila. Agencija je potvrdu prijema maila i zapisnika dobila od svih učesnika postupka nabavke dana 25.05.2026. godine.

Komisija za javne nabavke dostavila je 26.05.2026. godine rukovodiocu ugovornog organa Zapisnik o pregledu i ocjeni ponuda broj: 02-16-3-38-13/26 od 26.05.2026. godine, Preporuku o izboru najpovoljnijeg ponuđača za nabavku materijala za vršenje doping kontrole broj: 02-16-3-38-14/26 od 26.05.2026. godine i Izvještaj o radu broj: 02-16-3-38-15/26 od 26.05.2026. godine.

U postupku po izvještaju o radu utvrđeno je da je Komisija blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljena 1 ponuda,
- da je blagovremeno primljena 1 ponuda,
- da nije bilo neblagovremeno primljenih ponuda,
- da nema neprihvatljivih ponuda,
- da je ponuda ponuđača MEDICAL EXPORT-IMPORT d.o.o. Mostar kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način.

Komisija za javnu nabavku je u Zapisniku o pregledu i ocjeni ponuda broj: 02-16-3-38-13/26 od 26.05.2026. godine navela da je planirano održavanje e-aukcije. Obzirom da je primljena samo jedna prihvatljiva ponuda, u skladu sa članom 4. stav 2. Pravilnika o uslovima i načinu korištenja e-aukcije (Službeni glasnik BiH broj 80/23), e-aukcija se ne zakazuje, nego će se postupak okončati u skladu sa članom 69. Zakona.

U postupku donošenja ove Odluke, posebno su cijenjene činjenice da je Komisija za javne nabavke pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija za javne nabavke u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen primjenjujući kriterij najniže cijene koja je ponuđena u iznosu od 24.934,50 KM bez PDV-a odnosno 29.173,37 KM sa PDV-om.

Naziv ponuđača čija je ponuda ocijenjena kao najpovoljnija:

PODACI O NAJPOVOLJNIJEM PONUĐAČU		
1.	Naziv/ime ponuđača	MEDICAL EXPORT-IMPORT d.o.o. Mostar
2.	Adresa	Maršala Tita 237, 88 000 Mostar
3.	Ukupna cijena ponude bez PDV-a	24.934,50 KM
4.	Ukupna cijena ponude sa PDV-om	29.173,37 KM
5.	Rok plaćanja	60 dana od dana isporuke
6.	Rok isporuke	70 dana od dana potpisa ugovora

Slijedom prethodno navedenog, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.



RAVNATELJ
Nikola Čiča
Nikola Čiča

Dostavljeno:

- 1 x MEDICAL EXPORT-IMPORT d.o.o.
- 1 x Komisija za javne nabavke
- 1 x a/a